

04.12.2023

TUSAGASSIUUTINUT NALUNAARUT

Ulloq 07.12.2023 Ilaqutariinnik sullissivik Qammaavik ammaenersioneqassooq.

Kommune Qeqertalimmi **Ilaqutariinnik Sullissivik Qammaavik** nutaaq tassaavoq saaffiginniiffissap ataasiinnaanissaanik nutaaliornikkut pilersinneqartoq. Sullissivimmut katersorneqarput sullissinerit pingaaruteqartut, ilaallutik kingunerluuteqarsimasunik katsorsaaneq, perorsaanermit tarnikkullu suliasat pillugit atuarfinnik suliffeqarfinnullu suleqateqarnerit aamma peqqissartitsinissamik neqeroorutit.

Taamaaliorneq innuttaasunut pisariillisaaneruvoq, tassami maannamiit ataasiinnarmut saaffiginnittoqarsinnaalermit, ilaqutariinnut inunnullu ataasiakkaanut unammillernartunik isumaginninniarneq pisariinnerulersillugu. Qammaavik aqutigalugu qulakkeerneqarpoq innuttaasut ataatsimoornerusumik ataqatigiinnerusumillu ikiorneqarnissaat.

Ilaqutariinnik Sullissivik Qammaavik nutaaq Aasianni qullersaqarfeqassaaq, saniatigulli Kangaatsiami, Qasigianguani aamma Qeqertarsuarmi Ilaqutariit Illuini pioreersuni sulisut pikkorissut pimoorussisullu sinniisorissallugit. Immikkoortortat akornanni taamatut ataqatigiinnerup pissutsit makku innuttaasunut siuarsassavai:

- Pisariillisaaneq tikikkuminassuserlu
- Toqqissisimaneq annertunerusoq
- Qulakkeerinneq qaffasinnerusoq
- Ataqatigiissitsineq ataatsimullu isiginnineq
- Attaveqatigiinneq suleqatigiinnerlu pitsaanerusoq
- Ingerlatsinermut tatiginnineq annertunerusoq

Inussiarnersumik inuulluaqqusilluta

Kommune Qeqertalik

qeqertalik@qeqertalik.gl

tlf.: 70 19 00